



Palmer je operativac, a ne diplomata

SAD su uvijek bile za reforme, a ne za trule kompromise u BiH, ističe Adil Osmanović

Razgovarao: **EDIN BARIMAC**

“SDA ostaje pri stavu da se u isto vrijeme trebaju formirati i Vlada FBiH i Vijeće ministara BiH, kako je to uvijek do sada i rađeno”, kaže u intervjuu za Oslobođenje šef Kluba SDA u državnom Parlamentu, ministar i potpredsjednik stranke Adil Osmanović. Uoči sastanka delegacija SDA i HDZ-a ističe kako je njegova stranka spremna da učestvuje u izmjeni Izbornog zakona BiH.

- Ali, ne želimo da učestvujemo u dodatnim etničkim podjelama u BiH, da imamo neka etnička glasanja, napominje Osmanović i dodaje kako od dolaska specijalnog izaslanika SAD-a Matthewa Palmera očekuje mnogo.

- Pokazalo se u skorijoj prošlosti da su SAD bile najučinkovitije kada je u pitanju Bosna i Hercegovina. One nisu pravile neke trule kompromise i davale diplomatske izjave, nego su konkretno učestvovala u reformama. Pozdravljamo imenovanje posebnog izaslanika SAD-a za zapadni Balkan Matthewa Palmera, a po njegovim izjavama vidi se da se radi, rekao bih, o osobi koja je prije svega više operativac nego diplomata, jer je svojim posljednjim izjavama direktno ukazao ko su remetilački faktori u Bosni i Hercegovini, naglašava Osmanović. / STR. 2. i 3.



Položeno je cvijeće i odata počast na Kazanima / AMER KAJMOVIĆ

O Kazanima se malo govori

Već petu godinu skrećem pažnju da politika Sarajeva u ratu i Armije RBiH nije bila ono što se desilo ovdje, kaže Dunović

Piše: **EDIN BARIMAC**

Polaganjem cvijeća i odavanjem počasti lokalitetu Kazana, na obroncima Trebevića, jučer je obilježena 26. godišnjica pronalaska ostataka civila, mahom Srba i Hrvata, ubijenih u ratnom Sarajevu od pripadnika ARBiH.

Potpredsjednik FBiH Milan Dunović kazao je da se ovdje desio zločin o kojem se poprilično malo govori.

- Ovdje ima i pripadnika Armije RBiH koji su ubijeni, među kojima je bio i jedan srpske nacionalnosti.

Bio je pripadnik Armije RBiH od prvog dana, kazao je Dunović.

Dodao je da je vrijeme da se počne govoriti.

- Već petu godinu skrećem pažnju da se Sarajevo mora distancirati od

ovoga, da politika Sarajeva u ratu i Armije RBiH nije bila ono što se desilo ovdje. Određeni ljudi jesu procesuirani, ali neizgradnja spomenika šalje poruku da o ovome ne treba govoriti, smatra Dunović. / STR. 2.

0 pogledi



Muzejska priča kao iz filma

Gradnja novih stadiona dugo je već samo lijepa želja

Na Tajlandu, u zemlji rajskih plaža

0 pogledi

75. godišnjica oslobođenja Travnika

STR. 22.

Na Trgu Venecija u Rimu

STR. 24. i 25.

Džaba ti misao ako je samo tvoja

STR. 28. i 29.

Od Pariza do Mimare

STR. 30.

Publika voli Doli Bel

Predstava “Sjećaš li se Doli Bel” najbolja je u izboru publike na 28. danima Zorana Radmilovića

Piše: **EDIN SALČINOVIĆ**

Predstava Kamernog teatra 55 “Sjećaš li se Doli Bel”, nastala prema romanu i filmskom scenariju Abdulaha Sidrana, u adaptaciji i režiji Kokana Mladenovića, proglašena je najboljom u izboru publike na jučer završenom festivalu Dani Zorana Radmilovića, koji je od 19. do 25. oktobra 28. put održan u Zaječaru.

Publika je “Doli Bel” ocijenila prosječnom ocjenom 9,54, a Emir Hadžihafizbegović je za ulogu Mahmuta

Zolja nagrađen Zoranovim brkom za najboljeg glumca večeri.

Najboljim glumcem na festivalu proglašen je Rade Šerbedžija, za ulogu Georga u predstavi “Ko se boji Virginije Woolf” Edwarda Olbiya u režiji Lenke Udovički (koprodukcija Ulysses teatra iz Zagreba/Briona i Beogradskog dramskog pozorišta). Šerbedžiji je ranije dodijeljena i nagrada “Zoran Radmilović” za pozorište u kome nastaju sjajne predstave. / STR. 16. i 17.